

江防志

江之利在蜀江之患乃在楚楚之江患荆郡其首也  
監利又荆郡之最也江挾數千里建瓴之勢悍激已  
甚洞庭又包黔蜀粵西湖南數省之水南出而橫截  
於中流力戰交搏蹠天關而翻地軸監利適當其衝  
故患最烈也田廬人民託命於一隄壞旣窪下沙岸  
善頽築未必堅堅亦未能獨當也版築之費皆派諸  
田畝決與築相循徵與修無已民力有盡江患無窮  
隄防豈足恃哉然而吏民之議舍隄防無他說也嗟  
乎亦聞漢明帝之言乎左隄強則右隄傷左右俱強  
則上下傷以今之隄論之幸者壑鄰不幸則自壑然  
而吏民不敢有異議也揔次其險易迂直與夫修築  
捍禦之略至弊端踵出勞費繁多咸著之篇其夏水  
潛水所過亦各起隄防皆民自爲之官不過問焉以  
江防爲重易曰窮則變變則通通則久意者猶待其  
時乎乃今則未可輕議也志江防

大江源委

大江源出四川松潘衛邊外西番地之岷山羊膊嶺有  
二源曰岡出阿林水從東麓東南流南源曰那哥多母  
精阿林從南麓南流曲曲二百餘里東流北源自西流



來會又東流折而東南入邊界黃勝關至漳臘營西有  
一小水東北自邊外入弓楨口來注之又南經松潘衛  
東有東勝河自東來注之由是至灌縣分數十歧至新  
津縣復合爲一流及經敘州府金沙江合鴉龍江諸水  
西南自馬湖府來會於是江流大盛矣由是至瀘州至  
重慶至涪州至萬縣諸江水皆會然後總而入峽出峽  
至夔陵豁然開豁江身益大由是至沈家店有臨江河  
自東北合三水來注之又東南經雞子山虎腦背南過  
荆門山南至宜都縣城北有清江西自長陽西南承施  
南府諸水來注之稍東有善溪自北來注之曰白洋渡

監利縣志

卷之三

江防志

二

口又東南數十里經枝江縣城東北有白水港溪自西  
南合一小水東北流經城西北東注之又東南數十里  
有洋溪自南來注之折東北流至松滋縣西南中有沙  
洲相聯有瑪瑙河北自當陽縣西南境合三水南流注  
之又東北經縣城北折而東南有珠市水自西來注之  
又東南經江亭草坪北又東至江陵府治江陵縣西南  
境之澧口北北岸有沮河漳河北自古麥城合而南流  
注之又東至虎渡口北南岸有支津南通公安諸湖水  
北岸有沮漳支流來會又東稍北經府城南沙市折東  
南流經公安縣東北境又東南稍折而西而南至石首



縣西境折向東稍北經縣城北又東有沙洲過調絃口  
又東北折而東南至監利縣西境有支津南會澧水入  
洞庭湖又東經監利南境至車灣西折南流屈曲經華  
容東境至岳州府治巴陵縣西北境始折而東北流洞  
庭湖南匯沅湘諸水自府治西北東北流來會大江既  
會洞庭水於巴陵東北之荆河口經城陵司北白螺司  
南南岸有松陽湖二支津來注之又東北經臨湘西南  
境南岸有白泥湖水自縣東南來西北流注之又東北  
過石磯曰城陵磯經縣城西北又東北經螺山南又東  
北至新堤鎮南土磯頭北南岸有黃介湖西口又東至

監利縣志

卷之三

江防志

三

茅埠村東北港塘西東口又東北爲六溪口卽古陸口  
有陸水東南自蒲圻合通城崇陽諸水來注之又東有  
石磯南岸有小湖口東經縣城北北岸卽沔陽州東南  
境也節錄齊侍郎召南水道提綱

穴口舊蹟

荆郡向有九穴十三口藉以分洩江流防漲溢之患九  
穴者江陵則郝穴郝穴之上爲獐捕亦作章卜穴石首  
則宋穴楊林穴調絃穴小岳穴監利則赤剝穴松滋則  
采穴合潛江之里社穴而九十三口無考雷霽荆州方輿書謂以九  
穴合虎渡油河柳宋以前諸穴開通故江患差少元時  
子羅堰爲十三口



漸堙大德中重開六穴江陵郝穴監利赤剝石首宋穴  
楊林調絃小岳林元有記元季諸穴又堙明嘉靖初江  
陵築塞郝穴口隆慶中復議開濬諸口以獐捕等穴堙  
塞既久無復故道惟郝穴與虎渡爲大江南北岸分洩  
要口無容淺塞因議并浚二穴中支河爲通利之計石  
首諸穴通塞不時隆慶中惟濬調絃一口餘仍閉塞監  
利尺八流水口卽赤剝穴也隆慶中議開濬言者以爲  
非便而止松滋采穴隆慶初議者謂采穴口當諸穴之  
首在江南岸原有故道自隄口起六十里至沙河下洞  
庭必當開濬以寬下流之洪潰部議從之後復不果故

監利縣志

卷之三

江防志

四

荆郡沿江之穴八一開於元而得其六郝穴赤剝宋穴楊林調絃小岳  
再開於明而祇得其二郝穴調絃今江陵郝穴久已閉塞僅  
存者惟石首調絃一穴而已叅府志

江隄形勢

江水自夔陵而下無大山爲之束勢甚洶湧前人於江  
陵公安石首監利潛江諸邑多開穴口所以殺江之勢  
緩江之流故作迂迴使之徐徐以入於江庶衝決可免  
今穴口已經閉塞則所恃以悍江流者惟隄而江之勢  
不易遏矣而隄之關係者重矣

監利南岸自石首塔市驛入境北岸與江陵拖茅鋪接



壤歷三百里而至荆河口與大江南水合流上鄉洲寬  
離江七八里伏汛時漫灘寬廣一望無際自朝真觀起  
至窰圻腦止數十里皆當南風南風浩大波浪軒騰人  
力難支下鄉車市一帶江流冲刷隄脚年挽年崩尺八  
口鄭家灣亦甚若洞庭水發倒漾尺八口先受其害川  
南並漲則徧處皆形吃重是所貴於思患預防也

### 治隄方略

今之論治江者曰洩曰防洩之爲言其識甚遠其理甚  
正然勢有難行則雖古人嘗爲之而非今所得爲矣若  
防則準情度務因民之所便而予以安全固有不得不

監利縣志

卷之三

江防志

五

出於此也然當水汛漲時其力甚大其勢甚猛欲藉隄  
以捍之豈得苟且從事哉乃事外之人害未及身多付  
之不知而不思竭力以相助事中之人惟務苟簡冀倖  
於不可知之天倘遇安瀾卽得以邀功受福如此居心  
欲隄之無危難矣夫隄爲國賦民命之所係能保則上  
下均享其利不能保則上下交受其害此任何等重大  
苟非天良喪盡之人無有不慎其事者特於治隄之方  
未能洞悉原委卽黽勉加功究未必有當矣今竊卽俞  
明府鴻甫所著隄防紀要爲節錄其所以治隄者  
一歲修 霜降水落之後須訪問長水時情形何處出



水若干尺是否低矮以定大隄應培尺寸趁冬閒細細估定次第興工人夫閒暇易於僱募土工既得從容夯築浸漏亦可仔細搜尋矣

一估計 估計之法大約以盛漲水痕爲準坦坡必須接收分估計摠須將舊隄草根剷除庶得新舊合一如舊隄有洞穴必須挖至盡頭再行填墊否則雨後卽成浪窩如係沙土加估包淤斷不可惜小費貽後患如子捻過高須將隄頂加倍以低子捻二尺爲度

一防守 汛地綿長查察難周約隔三十里設立廠房一處撥人經理凡有應備搶險器具寬爲預備錢文

監利縣志

卷之三

江防志

六

亦必多儲

一去草 外坡之草不可割應畱以禦風浪裡坡之草宜盡割去亦要畱根二三寸以護隄身若隄頂與隄坡凡有長草必須割去以清眉目

一巡查 汛水浸淹隄身必須日夜巡查裏坡有無滲漏一見潮潤卽須時刻畱心倘有漏洞稟知防汛官酌看輕重辦理

一加埧 大隄高矮未必能一律相平漫水一到隄根卽令長巡逐細測量分段開單稟報如普律高三尺一兩處高一二尺者卽趕加子埧以防水勢續長免



至臨時周章

一堵漏 凡有走漏之處當先知隄身是淤是沙離河遠近有無順隄河形一經踰着問明窟籠大小如係方圓洞則用鍋扣住令其用脚踰定四面澆土即可斷流如係斜長之形應用綿襖等物細細填塞或用口袋裝土一半隨其形象塞之仍用散土四面澆築此外堵法也或臨河一面不見進水形象必須於裏面搶築月埵先以底寬一丈爲度兩頭進土中畱一溝出水俟月埵周身高出外灘水面二尺然後趕緊搶堵或水流太急紮一小枕欄之裏面再行澆土更爲穩當此內堵法也

監利縣志

卷之三

江防志

七

一捕獾 獾性畏人驚動其穴在隄根及廢限撐越各隄近水草與墳墓者居多其洞有前門或四五丈七八丈復有後門大如麪碗人或於前門堵拏卽從後門跳逸堵後門卽窟前門正爲狡兔之有三窟也捕法不一有用煙薰有用網兜有用繩套其獵犬一項在所必需

歷年決塞

康熙七年林家潭潰八年退挽 康熙四十三年挽築石碑洲月隄韓家埠月隄 康熙五十二年中汎潘家



棚隄潰卽今新集下康熙五十四年朱河汛瓦子院李

黃月隄潰首楊公月隄康熙五十五年請帑挽築潘家棚隄 雍

正五年六月永興淵隄潰 雍正六年請帑挽築楊林

山月隄永興庵月隄張家峰月隄 乾隆九年挽築何

家月隄長二百二十四丈三尺 乾隆十六年挽築趙

家月隄 乾隆十七年挽築李家月隄周家月隄南劉

埠月隄長二百二十八丈 乾隆十八年挽築孫家月

隄 乾隆十九年挽築楊家月隄長三百餘丈又築彭

家月隄 乾隆二十年挽築曹家月隄吳家月隄長二

百六十一丈 乾隆五十三年朱家淵潰五十四年挽

監利縣志 卷之三

江防志

八

築 乾隆五十三年瓦子院上潰米黃月隄下潰王公

月隄 嘉慶七年瓦子院順江隄潰 嘉慶九年文固

院蕭家畝隄潰 道光四年文固院鄭朱月隄潰 道

光十年劉家鋪梅亭淵隄潰 道光十一年上汛鐵牛

寺中汛祖師殿湖洛淵朱河汛安慶月隄義成月隄蕭

家汛李家灣隄俱潰 道光十六年上汛朱三工潰

道光十九年上汛廖六工朱河汛沙城院鐵甕月隄何

家埠頭隄俱潰 道光二十一年白螺汛界牌上隄潰

道光二十四年螺山崔家隄潰二十五年復築 道

光二十八年上汛藤布拐中汛八十工高小淵朱河汛



瓦子院保安月隄糧碼頭隄俱潰 道光二十九年朱  
河汎竹莊河洞庭廟下首薛家潭下新挽院隄俱潰白  
螺汎自青泥院起殷公越子清水楊林牛車張家鄭家  
倪家三峯共潰大小二十八口中車灣隄潰覆沒百餘  
家冲壓二十餘里 道光三十年退挽下新挽院隄復  
築螺山市後隄發帑修築中車灣欽工月隄長七里許  
邑侯彭公以工代賑隄始堅武碼頭挽月隄 咸豐六  
年挽築王心浹洲隄 咸豐九年螺山上張家峯雙龍  
港隄潰 咸豐十年龍潭下永興洲隄潰十一年復築  
同治五年六月隄決何家埠 同治八年涂家埠北

監利縣志

卷之三

江防志

九

六坵等處隄潰發帑修復以工代賑新挽隄墜共長九  
百六十七丈五尺 同治九年六月鄒碼頭引港螺山  
等處隄潰邑令林瑞枝請帑以工代賑並勸殷戶捐助  
修復三處挽築新隄共長七百七十三丈

論一則附江防志之末

毓才徐氏曰予攷監利之害莫江水爲烈矣竭民財力  
起隄以禦之十歲中少者決二三多者決至四五甚者  
頻年決悲夫何斯民之不幸也今江身日高不能容水  
尺八口以下適當川南交滙之衝江束於隄不得騁橫  
噬如雷霆摧擊隄萬萬不支也夫非隄無所恃爲固有



隄卽不異虎尾春水嗟乎可不懼哉可不慮哉

### 徵修章程

自明嘉靖三十九年隄防潰決荆岳幾爲巨澤至四十五年十月知府趙賢興築自丙寅歷戊辰凡三冬六縣隄俱就緒始立隄甲法每千丈隄老一人五百丈隄長一人百丈隄甲一人夫十人監利東西兩岸時龐公渡存故云兩岸總共隄長八十八夏秋守禦冬春修補歲以爲常明季兵燹盡圯

國初蘭公程公屢有修築其興工之法例於十月相隄估工則有知根卽附近業戶蓋以素所習見知隄之險

監利縣志

卷之三

江防志

十

夷疏密也知根造冊投之利廳利廳核實轉呈邑令土數既定然後按糧派土每糧一石派土若干井井廣丈深二尺五寸曰方方有定價其土方增減視乎隄工之難易排年督花戶里長督排年計丈分工責成里長至於夏秋之間江水瀾漫風浪時作看守塘護則有圩長百畝爲頭人每一圩長督頭人若干買備蘆柴斫伐青草蘆柴鋪底青草覆之擔土其上細鋤均平然後蓆捲爲龍放之隄邊外用楊椿排列穩固雖有風浪則土龍承之一名龍把而於隄無損此防護之法也歲久法利里長排年知根不勝其累皆廢惟圩頭存而收土募土乃專



責之隄老後更名爲董事每歲舉報董事皆由書吏董  
事分領土券多係荒漂無著漏規蝟毛爲董事者每因  
墊賠破產於是詐索賄脫之弊紛紛而起人畏其役聞  
之無不頻蹙乃咸思更定章程焉道光十五年漢陽同  
知原任監利知縣唐公樹義奉檄至縣與武生周超伯  
咸甯人生員王名沂等定議設立土局每年派局首數人  
徵土局徵局修其領券收土者爲土長給錢雇夫者爲  
夫頭隄夫口食與隄工堅築局首責之夫頭又有監修  
院長各名色隨地分派上下鄉分局徵土土之輕重由  
官核定官以時巡隄責其疏虞夏秋江水泛漲局首駐

監利縣志卷之三

江防志

土

隄搶險安瀾後乃舉下屆局首於是貧富但按糧完土  
無昔年董事之患蓋因前此官徵官修流弊過甚乃定  
爲民徵民修而官加董率焉然而設局以後時有潰決  
或雨水泛溢非人力可爲或亦由人事疏虞提防不早  
夫築隄最重險工修補浪坎則爲游修一寸不堅萬丈  
不固故加土之後必用鋤夫鋤須擊塊粉碎則土易堅  
平繼用礮夫拋礮須高起斗落寸土寸礮隄乃堅實其  
驗礮土之法用鐵錐推入一二尺許灌之以水無滲漏  
乃爲得法至於近有沙土則船載車運未可惜費凡隄  
脚宜順勢斜殺無鵝掌凸腹之痕斯水力可紓而風浪



不至怒擊矣若隄工用費既慮土長乾沒而夫頭或係鑽營每有偷減隄工鋤舊見新諸弊夫每歲估工少派難於敷用多派或有浮靡惟在所任得人責以實功耳昔劉晏治漕專用士類不惜小費故功名獨顯自來有治人無治法但使肩是任者廉以律身勤以治事明以燭奸密以備患則先事綢繆隄堦鞏固詎有臨渴掘井之慮哉

### 江隄界分及名目

邑地勢綿長有上鄉中鄉下鄉之別而徵土築隄以捍江流局亦遂分上中下焉歷年久遠未嘗混淆

監利縣志

卷之三

江防志

七

上鄉隄

今隄各名

拖茅鋪

街市上屬江陵下屬監利

石首毛老院

朝真觀

朱三工

鐵牛寺

卡子壩

北垸

劉家湖

中九工

程公隄

紅旗營房

密圻司隄頭

狗頭灣

荆南山

孟蘭淵

有閘瀉白鷺湖一帶水惜底高無用今廢

李家湖

冬青樹

八十工



中鄉隄

蒲家淵

流水口

窑灣

祖師殿

張景灣

上湖洛淵

下湖洛淵

仙風臺

譚家淵

余進工

久安月隄

窑圻腦

藥師菴

資安寺

鳳凰嘴

下鄉隄

監利縣志

卷之三

江防志

三

護城隄

黃公院

牛頭隄

九工灣

太和月隄

順鎮月隄

長保月隄

久奠月隄

史家月隄

安定月隄

秦家月隄

萬年月隄

永安月隄

安全月隄

長安月隄

萬安月隄

安瀾月隄

蔣家腦月隄

陶家埠口

以上縣丞汛屬

巴陵隄一段

竹莊河二百三十丈



林家潭

巴陵隄一段何家埧三百

長安月隄

長保月隄

袁吳月隄

定江月隄

尺八口月隄

巴陵隄一段瓦子灣九十八丈

上鎮江月隄

下鎮江月隄

趙劉月隄

楊劉月隄

觀音洲隄

殷公埧

巴陵隄一段魯家埧三百八十四丈六尺

冷家埧

白螺磯

越子埧

平安月隄

監利縣志

江防志

卷之三

十四

引港永安月隄

三百二十二丈九尺同治九年冬修

鄒碼頭長安月堤

一百一十丈七尺同治九年冬修

萬安月隄

三百三十九丈四尺同治九年冬修

螺山

有開瀉沔陽洪湖一帶之水惜淤塞無用今廢

倪家峯

江隄弓口

同治五年南隄弓口

考監利縣江隄程途共三百七十二里二分八釐長六萬七千一百九十二丈七尺隄身高一丈八九尺及二丈一二尺不等隄面二三四丈不等底寬十三四丈及



十五六丈不等隄外灘岸有存十餘丈及二三十丈不  
等上至江陵縣交界之拖茅埠起至沔陽州界牌止責  
承縣丞朱河審圻白螺四汛管轄

審圻汛管江隄共長九千零四十丈零四尺

計程五十里零二分二釐

拖茅埠隄一段長八十四丈 江陵縣一段長二十丈

向係江陵縣修理

石首縣一段長一千一百七十丈

向歸石首縣修理

曾大工一段長三百五十二丈 乾鎮觀一段長

一百八十五丈 王二工一段長二百二十一丈 朱

三工一段長二百五十三丈 宋四工一段四百九十

監利縣志

卷之三

江防志

五

七丈八尺 廖六工一段長五百四十丈 七工一段

長一百九十一丈 八工一段長二百五十五丈 中

九工一段長二百二十四丈 秦家鋪一段長四百十

五丈

紅旗營房一段長一百五十一丈 蒲草墩一段長五

百三十二丈三尺 王家港一段長四百二十七丈三

尺 隄市一段長三百五十三丈 關廟一段長四百

二十丈 狗頭灣一段長二百零三丈 荆南山一段

長四百七十丈 孟蘭洲一段長三百三十丈 孟家

碼頭一段長四百三十丈

黃師隄李家湖

一段長四百三十九



丈 冬青樹一段長四百九十二丈 高小淵一段長三百八十五丈 以上係密圻汎管江隄

中鄉縣丞汎管江隄共長九千一百零五丈 計程五十里零五分八釐

八尺工一段長四百七十二丈 蒲家淵一段長四百

八十丈 流水口一段長六百五十丈 密灣一段長

五百七十四丈 以上係屬密圻汎 江隄改歸中汎 祖師殿一段長二

百七十五丈 羅家月隄一段長五百二十七丈五尺

鄧家灣 張景灣一段三百六十四丈 上湖洛淵一段長二百

二十二丈五尺 下湖洛淵一段長二百六十丈 仙

監利縣志 卷之三

江防志

美

風埕一段長七百三十四丈 潭家淵一段長五百二

十五丈 柳林淵一段長六百九十丈 密圻腦一段

長五百零三丈 鎮華月隄一段長三百零七丈 長

安月隄一段長二百五十丈 煙鋪子一段長一千二

百零七丈 藥師巷 湯家剝一段長七百三十九丈 福壽坊

一段長一百二十丈 龐公渡 鳳凰嘴一段長二百零五丈

下鄉縣丞汎管江隄共長一萬五千四百八十四丈

計程八十六里零二釐

護城隄一段長五百九十四丈 黃公垵一段長八百

五十三丈 普惠宮一段長五百二十五丈 半頭隄



一段長一千五百八十丈 新集一段長九百九十三丈 大定月隄一段長三百六十三丈六尺 長安月隄一段長三百七十三丈 永保月隄一段長二百三十九丈 金城月隄一段長二百二十二丈四尺 永慶月隄一段長二百七十五丈 永遠月隄一段長一百四十三丈 羅家巷月隄一段長九百八十六丈 久奠月隄一段長三百三十二丈 史家月隄一段長三百二十八丈 秦家月隄一段長三百三十二丈 萬年月隄一段長四百三十六丈 萬安月隄一段長三百五十五丈 銀杏月隄一段長一百二十九丈 永

監利縣志

卷之三

江防志

七

安月隄一段長五百七十五丈 萬全月隄一段長八百三十丈 維固月隄一段長三百七十丈 維安月隄一段長一百三十五丈 楠柵廟一段長六百二十七丈 陶家鋪一段長一千二百一十丈 竹莊河 巴陵隄一 段長九百四十丈 向歸巴陵 縣修理 以上係上下兩鄉縣丞汎管江百五十七丈 向歸巴陵 縣修理 隄

朱河汎管江隄一萬一千五百一十八丈三尺

計程六十三里九分九釐

何家墻一段長七百三十二丈 林家潭一段長八百



九十丈 長護月隄一段長二百五十丈 永逸月隄一段長五百二十八丈 季黨上月隄一段長二百七十八丈 季黨下月隄一段長四百八十二丈 護民月隄一段長三百四十五丈 黎萬貫月隄一段長五百二十四丈 查王月隄一段長二百二十二丈 靈璧月隄一段長三百八十丈 盤石月隄一段長一千三百八十九丈 薛家潭下盤石月隄一段長一千三百零二丈 永鎮月隄一段長三百八十二丈 薛家潭老隄一段長一千三百二十二丈 鎮江月隄一段長六百三十二丈 巴陵隄一段長一百丈 王公月隄一段長六百六十一丈 彭劉月隄一段長三百三十七丈 李張月隄一段長一百六十四丈三尺 以上係朱河汎管江隄

白螺汎管江隄共長二萬二千零四十五丈

計程一百二十二里四分七釐

觀音洲一段長五千四百丈 白螺磯一段長五百九十丈 越子口隄一段長一百三十丈 平順月隄一段長二百零六丈 清水月隄一段長五百一十八丈 張家潭一段長一千五百七十丈 巴陵隄一段長一千四百二十六丈 向係巴陵縣修防 引桿隄一段長一千

監利縣志

卷之三

江防志

六



九百八十丈 楊林山隄一段長二千七百二十丈  
螺山至界牌止一段長四千三百六十四丈 螺山張  
家峰一段長八百一十丈 鄭家峰至界牌止一段長  
三千一百四十一丈 以上係白螺汛管江隄

舊隄各名及護城隄

祝家壩隄 八十四丈內河工二十一丈餘六十三丈隄脚係石首自石碑界起

鐵牛寺隄 北堤隄素稱險工 永泰山隄 唐邑侯所挽修築得法後恃此

玩忽有派無修康熙十五年新冲河口小口子之決知縣李公挽修極險要

關廟隄 荆南山隄 車湖港隄 康熙十七年決知縣程藻修

新冲隄 康熙十五年決知縣李公挽修在縣西南五十里

監利縣志 卷之三 江防志 九

八十弓隄 急修 祖師殿隄 在縣西四十里明正德十一年築 潭家洲隄 新興坑南工因

也 黃師隄 始於太守李元陽巡撫陸杰知縣

程河隄工視諸隄最鉅蓋合潛沔之力為之嘉靖丙辰

大決太守陳全之知縣王纘宗增築邑人鄭重威有記

乙丑大水巡撫趙公出郡帑授知縣殷廷舉又增築馬

鄭重威有記隆萬以來屢決屢修明末盡圯國朝順治

七年知縣蔣完煌重築 蒲家臺隄 在縣西順治七年知縣蔣完煌

密圻腦隄 龐公渡隄 白衣菴隄

黃公垸隄 車木隄 縣東四十里宋末大水一夜大雷

輟述為隄即 文公廟隄 急修 口子河隄

王心嘴隄 急修 駱家灣隄 國朝順治七年築康熙十五年

名方 曹鞭港隄 知縣鄭新挽坑月隄 卽縣程藻增修



告險知縣程何家灣隄康熙十五年決

紅花湖隄康熙十一年潰知縣鄭公築計長

尺八工隄急修南固城隄明萬曆築瓦子灣隄縣東南八十里沙隄易壞

此隄與車木隄皆捍江水上薛家潭隄急修康熙十年

李公挽築楊碼頭隄急修張仙口隄

白螺磯隄明隆慶二年修惟新莊黃婆姜心茶湖小坑

水患息襄水患楊松山隄

上牛舍坑隄康熙十九年決螺山隄 倪家峯隄

自祝家壩至龐公渡共隄一萬一千九百二十八丈六

尺六寸自白衣菴至尺八工共隄一萬一千九百八十

監利縣志 卷之三 江防志 三

丈四尺二寸自瓦子灣至倪家峯共隄一萬四千一百

七十一丈八尺辛卯秋監利生員羿瑜沔陽生員何起

龍巴陵生員楊必達等公呈按院各上臺三屬會議有

監六沔三巴一之例今巴陵一分每年巴陵里民姜合

龍李合戴自修自守無異惟沔陽之三分奉 上臺定

例荆安兩不相協是以停止舊志護城隄環城西南夏

震驚內有城河甚深勢最危險蓋舊從龐公渡通江後

塞而河猶存康熙庚申知縣程藻集通縣糧里併捐俸

共三百兩募工運土龍潭口隄縣北火把隄縣北五里

日親省視修築完固龍潭口隄五里火把隄縣北五里

五年發帑修龍潭口隄五里火把隄縣北五里

太馬河隄舊從龐公渡通江



火把隄

紅土隄

劉家鋪

白家灣

雞鳴鋪

北岸水通吳家河口古井口

習家河

毛家口

三元殿

福田寺

有閣

柳家集

下至小沙口豐口一從蹇家口而出新隄閘一從柴

林河北流而出青灘一從秤柁湖昆潭而出沌口

北境襄水支流形勢

漢水由大澤口分支入昔時有梁灘當口橫塞須紆迴二十里許方入口故來勢常緩由澤口入至田關分一

監利縣志

卷之三

江防志

三

支河西南入江陵境下至竹根灘又分一支河東北入潛江境此皆襄河分殺之路也近數十年間梁灘盪刷已盡故襄水直入又田關竹根灘支河皆淤塞不通故襄流阻塞其勢愈猛每逢泛漲一二時許可驟長丈餘最易潰隄北潰則梁子府民等坑被湮南潰則新溝嘴諸坑被湮而中汎分鹽一帶子坑俱有瀰漫之患矣其修築之法與南隄同